

上子上
上正六反又一踏璠瑚二字正作琉璃上音胡天方塊也
高孟反作逆必出也慨嘆上苦愛反嘆乃撓擾反
達瓦反作亂也勞動也乳哺在口日步食策擯反驅又
典上必刃反机吾骨反鑿俗作處璽反下尺呂
雞反正叛背也音畔逃豈壤作壤正也聾遲上古呂
色遲上正作怛憂一煩惋冤於元反屈也作音古呂
枉也惋鳥貴鑿上音昨汪水鳥黃反正作慘
然悲憐也上七感反推乾上土迴反賈估二同音古
踉蹌郎傍音

大方便佛報恩經卷第四

器

大方便佛報恩經卷第四

失譯

惡友品第六

余時出尊大眾圍遶供養恭敬尊重讚歎余
時如來熙怡微笑從其面門放大光明青黃
赤白名曰大悲遠照十方上至阿迦貳吒天

下至十八地獄照提婆達多身身諸苦痛即
得安寧余時大眾異口同音讚歎如來善哉
善哉世尊真是大慈真是大悲能於怨親其
心平等提婆達多常懷惡心毀害如來而世
尊不以爲患愍而哀傷放大悲光遠照其身
如來余時普告大眾而作是言提婆達多非
適今世而傷害我過去世時常欲害我我以
慈悲力因乃得濟余時阿難觀察衆心咸皆
有疑即從座起偏袒右肩右膝著地胡跪合
掌而白佛言世尊提婆達多過去世時毀害
世尊其事云何佛告阿難善聽吾當爲汝分
別解說佛言過去世時無量千歲有國名波

羅捺其中有佛出世號毗婆尸如來應供正
遍知明行足善逝世間解無上士調御丈夫
天人師佛世尊在世教化滿十千歲滅度之
後正法住世十二千歲像法滅後波羅捺王
名摩訶羅闍聰慧仁賢正法治國不枉人民
王主六十小國八百聚落五百白象二萬夫

人了無有子王自擣杞諸山河池樹木神祇滿十二年王第一所重夫人即便有娠第二夫人亦皆有娠王甚歡喜手自供養牀卧飲食皆令細軟至滿十月太子便生形體端正妙色莊嚴人相具足第二夫人亦皆生男王甚歡喜即召諸臣百官并諸相師婆羅門等占相吉凶抱兒示之便令立字相師問言此兒生時有何瑞相答言第一太子其母性行由來弊惡恚恨妬忌嬌慢自大從懷子已來其性調善和顏悅色發言含笑先意問訊軟語利益慈愍衆生喻如赤子相師答言此是兒之福德使母如此即便立字名曰善友太子第二夫人所生太子者相師問言其子生時有何瑞相答言其母由來性常調善先意問訊發言柔軟可適衆心懷妊已來其性卒暴發言麁惡嫉妒恚嫉相師答言此是兒之業行使母如是應當立字名曰惡友太子乳哺長大至年十四善友太子聰明慈仁好喜

布施父母偏心愛念視如眼目惡友太子其性暴惡父母憎惡而不喜視嫉妬於兄常欲毀害觸事不順其兄違逆反戾善友太子導從前後作倡伎樂大眾圍遶出城觀看見有耕者墾土出虫鳥隨啄吞善友太子遙見如是愍而哀傷生長深宮未見此事問左右言此作何物共相殘害左右答言太子所以有國依於人民所以有人民者依因飲食所以有飲食者依因耕田種植五穀得存性命太子念言苦哉苦哉少復前行見諸男女自共紡織來往傾動疲勞辛苦太子問曰此作何物左右答言太子此諸人等紡織作諸衣服以遮慚愧蔭覆五形太子言此亦勞苦非一也轉復前行見諸人民屠牛驅馬剝剥猪羊太子問曰此是何人左右答言此諸人等屠殺賣肉以自存活以供衣食太子皮毛觸動而作是言惟哉苦哉殺者心不忍強弱相害傷殺生以養生積結累劫之殃轉復前行見

諸衆人網鳥餌魚枉濫無辜強弱相凌太子問言此是何人名何事耶左右答言太子網鳥捕魚如是諸事以供衣食太子聞是語已悲淚滿目出間衆生造諸惡本衆苦不息憂愁不悅即迴車還宮王問太子出還何故憂愁如此太子具以上事向父王說王聞是語語太子言上來諸事未常不有何足愁耶太子言今欲從王求索一願王見聽不王言吾有汝一子甚愛念之不逆汝意太子言願欲得父王一切庫藏所有財寶飲食用施一切王言隨汝所願不逆子意善友太子即使傍臣開王庫藏以五百大衆負載珍寶出四城門外宣令國土其有欲得衣被飲食者恣意自取而去善友太子名聲遠聞八方一切雲集未久之間三分用一時守庫藏臣即入白王所有庫藏太子已三分用一王宜思之王言此是太子不敢違逆復經少時諸臣論議所以有國依因庫藏庫藏空竭國亦虛存復

往白王所有財寶三分用二王宜思之王言是吾太子不敢違逆汝可小憩遲莫稱其心善友太子欲開庫藏時守藏臣緣行不在鄭重追逐差乎不遇善友太子言此小人者何敢違逆我意當是父王教耳夫孝子者不應傾竭父母庫藏我今應當日求財寶給足衆生我若不能給足一切衆生衣被飲食稱意與者云何名爲大王太子即集諸臣百官共論議言夫求財利何業最勝中有第一大臣言卅間求利莫先耕田者種一得萬倍復有一大臣言卅間求利莫先畜養衆生放牧繁息其利最大復有一大臣言卅間求利莫先入

海採取妙寶若得摩尼寶珠者便能稱意給足一切衆生善友太子言唯此爲快耳即入宮中上白父王子今欲入大海採取妙寶王聞此語辭如人噎亦不得咽又不得吐語太子言國是汝有庫藏珍寶隨意取用何爲方復自入大海汝爲吾子生長深宮卧則幃帳

食則恣口今者遠涉途路飢渴寒暑誰得知

者又復大海之中衆難非一或有惡鬼毒龍
湍浪猛風迴波涌洑水色之山摩竭大魚往
者千萬達者一二汝今云何欲入大海吾不
聽汝善友太子即便五體投地四布手足而
作是言父母若不聽我入大海者我當捨命
於此終不起也爾時大王及諸夫人見是事
已目不暫捨即前勸諫太子汝可起飲食太
子言若不聽我入大海者終不飲食王與夫
人愁憂苦惱左右啼泣憂悲懊惱愁悶躰地
如是乃至一日不飲不食二日三日至到六
日父母憂懼恐畏其不濟七日即前嗚抱手足
善言誘喻可起飲食此段食身依因飲食而
得存立不飲食者汝命不濟太子言父母若
不聽許者必沒於此終不起也爾時第一夫
人便白王言如子心意難可傾動不可違戾
何忍當見此子捨命於此願大王垂慈聽入
大海故當萬有一冀今不聽者必喪於此王

不忍拒而便聽許

尔時善友太子即起歡喜頭面禮父王足左
右夫人及諸媛女百千萬人互相問言善友
太子今者爲死活耶荅言太子今者已起歡
喜飲食王問太子汝懃懃欲入大海何所作
爲荅言大王欲取摩尼大寶給足一切衆生
所須尔時大王即遍宣令誰欲入海若往還
者七世衣食珍寶無所乏少吾當供給道路
船乘所須善友太子亦欲入海採取珍妙摩
尼寶珠衆人聞之歡喜聚集具五百人皆言
大王我等今者隨從太子尔時波羅柰國有
一海師前後數反入於大海善知道路通塞
之相而年八十兩目賸盲尔時波羅柰大王
往導師所報言導師吾唯一子未更出門勞
屈大師入於大海願見隨從尔時導師即舉
聲大哭大王大海留難辛苦非一往者千萬
達者二大王今者云何乃能令太子遠涉
險道王報導師爲憐愍故隨從聽許導師言

不敢違逆。爾時善友太子莊嚴五百人行具載至大海邊。爾時其弟惡友太子作是念言。善友太子父母而常偏心愛念。今入大海採取妙寶。若達還者。父母當遺棄於我。作是念已。往白父母。今我亦欲隨從善友入海。採取妙寶。父母聞已。荅言。隨意道路急難之時。兄弟相隨必相救護。至大海已。以七鐵鎖鎖其船舶。停住七日至日初出時。善友太子擊鼓唱令。汝等諸人誰欲入海入者。嘿然。若當戀著父母兄弟婦兒。閭浮提樂者。從此還歸莫為我。故所以者。何大海之中留難非一往者千萬達者一二。如是唱令。大衆嘿然。即斷一鎖舉著。船上日日唱令。至第七日。即斷七鎖舉著。船上望風舉帆。以太子慈心福德力故。無諸留難。得至海洲。至珍寶山。到寶所已。善友太子即便擊鼓宣令。諸人當知道路懸遠。汝等諸人速載珍寶。極停七日復作是言。此寶甚重。閻浮提中亦無所直。莫大重載。船舶沉沒。

不達所至。莫大輕取道路懸遠。不補勞苦。乘已訖與諸人別。而作是言。汝等於是善安隱歸吾方。欲前進採摩尼寶珠。

尔時善友太子與導師前進路行一七水齊到膝。復更前行一七水齊到頸。前進一七浮而得渡。即到海處。其地純以白銀爲沙。導師問言。此地何物。太子荅言。其地純是白銀沙。導師言。四望應當有白銀山。汝見未耶。太子言。東南方有一白銀山。現導師言。此道在此山下至彼山已。導師言。次應到金沙。尔時導師疲乏。閻浮提地語太子言。我身命者勢不得外。必喪於此。太子於是東行一七。當有金山。從山復更前進一七。其地純是青蓮華。復前行一七。其地純是紅赤蓮華。過是華已。應有一七寶城。純以黃金而爲。却敵白銀。以爲樓櫓。以赤珊瑚爲其障板。碑礧瑪瑙雜廁間鑲真珠羅網而覆其上。七重塗壘純紺瑠璃。大海龍王所上住處。其龍王左耳中有一摩

尼如意寶珠汝往從乞若得此珠者能滿閻浮提兩衆七寶衣被飲食病瘦醫藥音樂倡伎總要而言一切衆生所須之物隨意能爾是故名之如意寶珠太子若得是珠者必當滿汝本願尔時導師作是語已氣絕命終尔時善友太子即前抱持導師舉聲悲哭一何濶命生失我所天即以導師金沙覆上埋著地中右繞七匝頂禮而去前至金山過金山已見青蓮華遍布其地其蓮華下有青毒地此地有三種毒所謂噉毒觸毒氣噓毒此諸毒她以身繞蓮華莖張目喘息而視太子尔時善友太子即入慈心三昧以三昧力即起進路蹋蓮華而去時諸毒她而不毀傷以慈心力故逕至龍王所止住處其城四邊有七重圍其城廬中滿中毒龍以身共相蟠結舉頭交頸守護城門尔時太子到城門外見諸毒龍即慈心念閻浮提一切衆生今我此身若爲此毒龍所害者汝等一切衆生皆當失

大利益尔時太子即舉右手告諸毒龍汝等當知我今爲一切衆生欲見龍王尔時諸毒龍即開路令太子得過乃至七重圍守城毒曰汝是何人答言我是龍王守外門婢問已前入到中門下見四玉女紡白銀縷太子復問汝是龍王婦耶答言非也是龍王守中門婢耳太子問已前入到內門所見八玉女紡黃金縷太子問曰汝是何人答言我是龍王守門婢耳太子語言汝爲我通大海龍王閻浮提波羅奈王善友太子故來相見今在門下時守門者即白如是王聞是語疑惟所以作是念言自非福德純善之人無由遠涉如是險路即請入宮王出奉迎其龍王宮紺瑠璃爲地牀座七寶有種種光明耀動人目即請令坐共相問訊善友太子因爲說法示教利喜種種教化讚說施論戒論人天之論時大海龍王心大歡喜遠屈途涉欲願何物太

子言大王閻浮提一切衆陀爲衣非欲食故受無窮之苦今欲從王乞左耳中如意摩尼寶珠龍王言受我微供一七日當以奉給余時善友太子受龍王請過十日已持摩尼寶珠還閻浮提時大海龍王使諸龍神飛空送之得到此岸見弟惡友問言汝徒黨伴侶今何所在答言善友舡船沉沒一切死盡唯弟一身牽挽死屍而得全濟一身財賄一切已盡善友答言天下大寶莫先己身弟言不尔人願富死不貧而生何以知然弟曾至塚間聞諸死鬼作如是語善友太子其性真直以實語弟汝雖失寶亦是闍耳吾今已得龍王如意摩尼寶珠弟言今在何處善友答言今在捨中弟聞是語心生嫉妒憂恚懊惱作是念言父母而常偏心愛念今復加得摩尼寶珠我身今者父母惡賤甚於死礫作是念已白善友言使哉甚善得此寶珠今此嶮路宜加守護余時善友即解寶珠與弟惡友而誠

勦言汝若疲乏眠卧我當守護我若眠卧汝應守護余時惡友次應守珠其兄眠卧即求二乾竹刺兄兩目奪珠而去余時善友即喚其弟惡友此有賊刺我兩目持寶珠而去惡友不應兄便懊惱我弟惡友似爲賊所殺如是高唱聲動神祇經久不應余時樹神即發聲言汝弟惡友是汝惡賊刺汝兩目持寶珠去汝今喚惡友何爲善友太子聞是語已悵然飲氣憂恚苦惱余時惡友賣持寶珠還歸本國與父母相見白言父母我身福德而得全濟善友太子與諸徒伴薄福德故沒水死盡父母聞是語已舉聲大哭悶絕躰地以冷水灑面良久乃蘇父母語惡友言汝云何力能持是面來惡友聞是語已心先懊惱即以寶珠埋著土中

余時善友太子被刺兩目乾竹刺者無人爲拔徘徊婉轉靡知所趣當時苦惱大患飢渴求生不得求死不得漸漸前行到利師跋王

國利師跋王有女先許與波羅柰王善友太子利師跋王有一牧人名留悉爲利師跋王放五百牛隨逐水草。余時善友太子坐在道中。余時牛群垂逼踐踰中有牛王即以四足騎太子上令諸牛群皆悉過盡然後移足右旋宛轉反頭廻頭吐舌舐太子兩目拔出竹刺余時牧牛人尋後得見問言汝是何人善友即自念言我今不應自陳本末炳說上事脫令我弟得大苦惱答言我是盲乞兒耳時牧牛人遍體觀望人相有異語言我家在近當供養汝時牧牛人即將善友還歸其家興種種飲食誠勸家中男女大小汝等供待此人如我不異如是經一月餘日其家厭患而作是言家計不豐云何能常供是盲人善友聞是語已心意悵然過是夜已至明日旦白主人言我今欲去主人報言有何不適而欲捨去善友答言客主之義勢不得久善友言汝若愛念我者爲我作一鳴筆送我著多人

民處大城聚落余時主人即隨意供給送到利師跋城多人衆處安隱還歸善友善巧彈箏其音和雅悅可衆心一切大衆皆共供給飲食乃至充足利師跋道上五百乞兒皆得飽滿時國王有一果園其園茂盛常患鳥雀時守園監語善友言爲我防護鳥雀我當好相供給善友答言我無兩目云何能爲汝駛馳鳥雀耶守園監言我有方便我以繩結諸樹頭安施銅鈴汝坐樹下聞鳥雀聲牽挽繩頭善友答言如是我能將至樹下安隱往已即捨而去善友防護鳥雀兼復彈箏以自娛樂時利師跋王女將諸侍從入園觀看見此盲人即徃其所問言汝是何人答言盲乞人耳王女見已心生愛念不能捨離王復遣使往喚其女女言不去爲我送食共此盲人飲食訖竟白大王言王今持我與此盲人甚適我願王言汝鬼魅所著顛狂心亂云何共是盲人共居汝不知耶父母先以汝許與波羅

柰王善友太子善友今者入海未還汝今云何爲乞人作婦女言雖余乃至捨命終不捨離王聞是語不能拒逆即遣使者將盲人來閉著靜室余時王女往盲人所語言知不我今欲共汝作夫婦善友報言汝是誰家女欲爲我婦答言我是利師跋王女善友報言汝是王女我是乞人云何能相恭敬婦言我當盡心供養於汝不逆汝意如是經九十日其婦小事出行不白其夫良久乃還善友責數汝私外出而不白我何處行還婦言我不私行壻言私與不私誰當知汝其婦懊惱悲淚滿目即自呪誓言我若私行令汝兩目始終不差若不尔者使汝一目平復如故作是願已其夫一眼目瞶瞶動平蒲如故精光晃晃喻如星流視瞻清微得見其婦婦言何_{十四}汝信我不善友含笑婦言汝不識恩養我是大國王汝是小人而我盡心供事於汝而不體信壻言汝識我不答言我識汝是乞人壻

言非也我是波羅柰王善友太子婦言汝大愚癡人云何乃發是言波羅柰王善友太子入海未還汝今云何言是其人此妄言耳吾不信也善友言我從生來未曾妄語婦言虛之與實誰當信之壻言我若妄語欺謊汝者使我一日永不得愈若實語者使我一日平復如故令汝得見作是念已即如所誓睛光耀動如本不異善友太子兩目平復面首端正人相具足妙色超絕世無有比其婦見已心生歡喜如蒙賢聖遍體瞻視目不暫捨即入宮中白父王言今我夫者即是善友太子王言癡人顛狂鬼魅所著而作是言善友太

子入海未還汝今云何名是乞人為太子也女言不也若不信者可一視之王即徃看見已便識是善友太子即懷恐怖而作是言波羅柰王若聞此事嫌我不少即前懺謝善友太子我實不知太子言無苦爲我餉致給與此牧牛人利師跋王即以金銀珍寶衣被飲

食并與所放五百頭牛其人歡喜稱善無量
善友太子而我未有幾許恩分而能報我如
是財賄時放牛人於大衆中高聲唱言夫陰
施陽報布施之事果報弘廣尔時無量天衆
心生歡喜皆發施心拯濟一切求佛爲本虛
空神天讚歎其人遂成其言如是如是

余時善友太子未入大海在宮殿時養一白
鴈衣被飲食行住坐卧而常共俱余時夫人
往到其所報其鴈言太子在時常共汝俱今
入大海未還生死未分而我不能得知定實
汝今云何不感念太子鴈聞是語悲鳴宛轉
啼淚蒲目報言大夫人欲使求覓太子者不
敢違命余時夫人手自作書繫其鴈頸其鴈
音響問太子大海所在身昇虛空飛翔宛轉
而去夫人見已心生時頗今者此鴈其必定
得我子死活定實消息飛至大海經過周遍
求覓不見次第徃到利師跋國遙見善友太
子在宮殿前其鴈斂身擁翅社趣到已悲鳴

歡喜太子即取母書頭頂禮敬發封披讀郎
知父母晝夜悲哭追念太子兩目失明尔時
太子即作手書具以上東向父母說復以書
繫其鴈頸其鴈歡喜還波羅柰父母得太子
書歡喜踊躍稱善無量具知太子爲弟惡友
之所危害棄取寶珠苦惱無量父母尋時杻
器四

十三

械惡友手脚枷鎖頸項閼著牢獄遣使往告
利師跋王汝今云何擁遠太子令我憂苦利
師跋王聞是語已心生恐怖即嚴服太子送
着堦上太子遣使往白利師跋王善友從大
海歸余時利師跋王作倡伎樂前後導從掃
灑燒香懸繒幡蓋槌鍾鳴鼓遠迎太子還至
宮中以女婢之遣送往詣波羅柰國父母聞
太子歸歡喜無量乘大名象作倡伎樂掃灑
燒香懸繒幡蓋遠迎太子國土人民男未女
婦聞太子入于大海安隱還歸歡喜無量亦
皆出迎善友太子前爲父母頭面禮足王與
夫人目暗不見太子形容以手捫摸汝是我

子善友非耶父母念汝憂苦如是太子問訊父母起居訖意舉手高聲報謝諸小國王及謝群臣國王人民一切大眾而作是言苦屈大衆從是還歸善友太子白父王言我弟惡友今在何處王言汝不須問訊如是惡人今在牢獄不可放也善友太子言願放惡友得與相見如是言至三王不忍拒便開獄門尔時惡友手脚杻械頸項枷鎖往見善友兄見如是上白父母爲弟脫於枷鎖脫枷鎖已即前抱持善言誘喻軟語問訊汝極勞苦耶汝持我寶珠今在何處如是至三而方報言在彼土中善友太子還得寶珠往父母前長跪燒妙寶香即呪誓言此珠實是如意寶者令我父母兩目明淨如故作是願已尋時平復父母得見其子歡喜踊躍慶幸無量

余時善友太子於月十五日朝淨自澡浴著鮮淨衣燒妙寶香於高樓上手捉香爐頭面頂禮摩尼寶珠立誓願言我爲閻浮提一切衆生故忍大辛苦求是寶珠尔時東方有大風起吹去雲霧虛空之中皎然明淨并閻浮提所有糞穢大小便利灰土草莽風涼動已皆令清淨以珠威德於閻浮提遍雨成熟自然粳米香甘軟細色味具足溝渠盈滿積至于膝次兩名衣上服珠環釵釧次雨金銀士寶衆妙伎樂舉要言之一切衆生所須樂具皆悉充足菩薩修大慈悲行檀波羅蜜給足衆生一切樂具其事如是

佛告阿難尔時波羅奈大王者今現我父悅頭檀是爾時母者今現我母摩耶夫人是爾時惡友太子者今提婆達多是爾時善友太子者今我身是何難提婆達多過去世時常懷惡心毀害於我而我以忍辱力常念施恩因乃得濟況今成佛佛說此法時無量百千人得須陀洹果乃至阿羅漢果復有無量百千人皆發阿耨多羅三藐三菩提心乃至無量百千衆生皆發聲聞辟支佛心阿難白佛

言當何名此經云何奉持佛言此經名佛報恩方便給足一切衆生衆會聞經歡喜作禮而去復次提婆達多雖復隨佛出家嫉妬情深規望利養雖復能多讀誦六萬香象經而不能免阿鼻獄罪是人與阿闍世王共爲親善心相愛念信用其言時提婆達多報阿闍世王言汝可作新王我亦欲作新佛阿闍世報言此事不然父王存在提婆達多言汝應除之我亦欲滅佛然後新王新佛教化衆生不亦快乎時阿闍世即隨其言斷父王命王波羅奈提婆達多報阿闍世王言我欲毀害如來阿闍世言如來有大神力預知人之所

十四
古

念汝今云何乃能加害如來兼有諸大弟子舍利弗大目捷連欽婆羅阿菴樓駁等提婆達報阿闍世言王今助我阿闍世言何所作爲報言大王當立制限不聽施諸比丘衣被飲食阿闍世王遍宣令言若有施諸比丘衣被飲食者當斷汝手足是諸大弟子一切大

衆共佛住者閻崛山次第乞食了不能得一日乃至七日舍利弗諸大弟子等皆以神力而往諸方求乞衣食時提婆達多白阿闍世王言佛諸大弟子等今皆不在如來單獨一身王可遣信往請如來若入宮城即當以酒飲五百大惡黑象極令奔醉佛若受請來入城者當放大醉象而蹋殺之時阿闍世王遣使往請如來佛與五百阿羅漢即受王請前入王舍城爾時阿闍世王即放五百醉象奔逸唐突樹木摧折牆壁崩倒哮啼大吼向於如來時五百阿羅漢皆大恐怖蹋在空中能徊佛上爾時阿難圍遶如來恐怖不能得去

余時如來以慈悲力即舉右手於五指頭出五師子開口哮啼五百醉象恐怖躡地爾時如來大衆圍遶前入王宮時阿闍世王即出奉迎請佛令坐佛即坐已求哀懺悔白佛言世尊非是我過提婆達多耳佛言大王我亦知之提婆達多常欲害我非適今也過去世

時亦常欲毀害我以慈悲力乃能得濟
余時阿闍世王以手前白佛言世尊提婆達多過去世時毀害如來其事云何佛言諦聽吾當爲汝分別解說乃往過去不可計劫有大國王喜食鴈肉使一獵師常網捕鴈時有五百群鴈從北方來飛空南過中有鴈王墮

卷五

十五

獵網中余時獵師心大歡喜即出草菴欲取殺之時有一鴈悲鳴吐血徘徊不去余時獵師彎弓欲射不避弓矢目不暫捨即鼓兩翅來投鴈王五百群鴈徘徊虛空亦復不去余時獵師見此一鴈悲鳴吐血願戀如是余時獵師作是念言鳥獸尚能共相戀慕不惜身命其事如是我今當以何心而殺是鴈王尋時開網放使令去余時一鴈悲鳴歡喜鼓翅隨逐五百群鴈前後圍遶飛空而去余時獵師即白大王網得一鴈王應送王厨供辦飲食而見一鴈悲鳴吐血不避弓矢徘徊不去時念此鴈尋放鴈王五百隨從前後圍遶飛

空而去余時大王聞是語已心意惄然尋發慈心鳥獸共相愛念護惜他命其事如是余時大王即斷鴈肉誓不復捕大王當知余時王者今大王身是余時獵師者今提婆達多是余時一鴈悲鳴吐血者今阿難是余時五百群鴈者今五百阿羅漢是余時鴈王者今我身是余時阿難心生願戀如本不異余時五百阿羅漢飛騰虛空亦如本不異余時提婆達多常欲毀害於我我以慈悲力故因乃得濟說是法時無量百千人或得初果乃至四果或發阿耨多羅三藐三菩提心乃至聲聞辟支佛心

復次提婆達多惡心不息而作是念我今應當長養十指爪甲極令長利於爪甲下塗以毒藥住如來所頭面接足禮時我當以十指甲脚足踝上毒藥入體其必喪命作是念已如所思惟往如來所頭面作禮以手接足余時毒藥變成甘露於如來身竟無所爲復次

提婆達多既不果願復作是念如來今者坐
耆闍崛山下我今應當上山頂上排山下石
斷其命根作是念已上山排石傷佛足指我
慈悲心怨親同等復次提婆達多過去父遠
不可計劫爾時有佛出興于世號曰應現如
來應供正遍知明行足善逝世間解無上士

器四

六

調御丈夫天人師佛世尊佛滅度後於像法
中有一坐禪比丘獨住林中爾時比丘常患
癩蟲即便共蟲而作約言我若坐禪汝宜嘿
然隱身寂住其蟲如法於後一時有一土蠶
來至蟲邊問言汝云何身體肌肉肥盛蟲言
我所依主人常修禪定教我飲食時節我如
法飲食故所以身體鮮肥蠶言我亦欲修習
其法蟲言能爾隨意爾時比丘尋便坐禪尔
時土蠶聞血肉香即便食噉爾時比丘心生
苦惱即便脫衣以火燒之佛言爾時坐禪比
丘者今迦葉佛是爾時土蠶者今提婆達多
是爾時蟲者今我身是提婆達多爲利養故

毀害於我乃至今日成佛亦爲利養出佛身
血生入地獄提婆達多常懷惡心毀害如來
若說其事窮劫不盡而如來常以慈悲力愍
而哀傷我以值遇提婆達多故速得成佛念
重恩故常垂慈愍爾時如來即遣阿難往到
地獄問訊提婆達多苦可忍不爾時阿難受
如來教至地獄門外問牛頭阿傍言爲我喚
提婆達多牛頭阿傍言我問何佛提婆達多過去
諸佛皆有提婆達多阿難言我喚釋迦牟尼
佛提婆達多爾時阿傍即語提婆達多阿難如
在外欲得相見提婆達多即言善來阿難如
來猶能憐念於我耶阿難言如來遣我問訊
苦痛可堪忍不提婆達多言我處阿鼻地獄
猶如比丘入三禪樂佛言菩薩摩訶薩修大
方便引接衆生具受生死無量大苦不以爲
患若有人言提婆達多實是惡人入阿鼻獄
者無有是處如來爾時即爲大衆顯發提婆
達多微妙行大方便時無量百千菩薩得

無生法忍無量百千人發阿耨多羅三藐三
菩提心無量百千人得須陀洹果乃至阿羅
漢虛空神天雨衆天華遍覆大衆作天伎樂
放大光明讚言善哉如來所說未曾有也一
切大衆聞佛說法頭面作禮歡喜而去

大方便佛報恩經卷第四

四
四

大方便佛報恩經四卷

器

大方便佛報恩經卷第五

四
六

慈母第七

失譯

余時世尊大衆圍遶供養恭敬尊重讚歎余
時如來遊於無量甚深行處欲拔衆生三有
劇苦欲發五蓋并解十纏欲今一切眾生俱

積砂大藏經

大方便佛報恩經